

元和郡縣志卷二

唐 李 吉 甫 撰

關內道 二

京兆府

萬年縣至藍田縣志文見前卷此卷自興平縣起

興平縣

畿東至府九十里

本漢平陵縣屬右扶風魏文帝改為始平晉武改置始平國領槐里縣歷晉至西魏數有移易景龍二年金城公主出降吐蕃中宗送至此縣改始平縣為金城縣至德二年改名興平

元和郡縣志

卷二

始平原在縣北十二里東西五十里南北八里東入咸陽界西入武功界

渭水南去縣二十九里

馬牧澤在縣東南二十里南北廣四里東西二十一里百頃澤在縣西二十五里多蒲魚之利周迴六十里

槐里城周曰犬丘秦改名廢丘周懿王所都項羽封章邯為雍王都廢丘亦此城也

武學故城在縣東南十里

馬嵬故城在縣西北二十三里馬嵬于此築城以避難

未詳何代人也

漢龍泉廟在縣東北二十四里武帝廟號也

漢黃山宮在縣西南二十里武帝微行西至黃山宮卽此也

章邯臺在縣東南十里

漢茂陵在縣東北十七里武帝陵也在槐里之茂鄉因以爲名守陵溉樹掃除凡五千人

漢公孫弘墓在縣東北十八里

衛青墓在縣東北十九里起冢象廬山

元和郡縣志

卷二

二

霍去病墓在縣東北十九里起冢象祁連山

高陵縣

畿西南至府八十里

本秦舊縣孝公置漢屬左馮翊魏文帝改爲高陸屬京兆郡大業二年復爲高陵

龍躍宮在縣西十四里高祖太武皇帝龍潛舊居也武德六年置

姚興墓在縣東南十三里

櫟陽縣

畿西南至府一百里

本秦舊縣獻公自雍徙居焉屬左馮翊項羽立司馬欣

爲寨主亦都之按高帝既葬太上皇于櫟陽之萬年陵
遂分櫟陽置萬年縣以爲陵邑理櫟陽城中故櫟陽城
亦名萬年城後漢省櫟陽入萬年後魏宣武帝又分置
廣陽縣周明帝省萬年入廣陽更于長安城中別置萬
年縣廣陽仍屬馮翊郡隋開皇三年罷郡廣陽縣屬雍
州武德元年又改爲櫟陽縣
煮鹽澤在縣南十五里澤多鹹鹵苻秦時于此煮鹽周
迴二十里

清泉陂在縣西南十里多水族之利

元和郡縣志

卷二

三

漢太上皇陵在縣東北二十五里

涇陽縣

畿南至府七十里

本秦舊縣漢屬安定郡惠帝改置池陽縣屬左馮翊故
城在今縣西北二里以其在池水之陽故曰池陽後魏
廢于今縣置咸陽郡苻秦又置涇陽縣隋文帝罷郡移
涇陽縣于咸陽郡屬雍州卽今縣是也

石安原在縣南七里高二十丈東西三十八里南入咸

陽縣界

長平坂

一作坂

在縣西南五里

涇水西北自池陽縣界流入經縣南七里又東南入高陵縣界春秋襄公十四年諸侯伐秦濟涇而次秦人毒涇師人多死

焦穫藪亦名瓠口爾雅十藪周有焦穫詩云獫狁匪茹整居焦穫卽謂此也按韓水工鄭國說秦令鑿涇水自仲山西抵瓠口爲渠卽所謂鄭白二渠是也

奏望夷宮在縣東南八里北臨涇水以望北夷故名之胡亥死于此

漢池陽宮在縣西北八里

元和郡縣志

卷二

四

龍泉陂在縣南三里周迴六里多蒲魚之利

太白渠在縣東北十里

中白渠首受太白渠東流入高陵縣界

南白渠首受中白渠水東南流亦入高陵界

美原縣

畿西南至府一百八十里

秦漢頻陽之地以縣西北十一里有頻山秦厲公于山南立縣故曰頻陽後魏別立土門縣以頻山有二土門狀似門故曰土門大業二年省義寧二年再置貞觀十七年又省咸亨二年復置改名曰美原

頻陽故城在縣西南三里秦將王翦卽此縣人也

華原縣

畿西南至府一百六十里

本漢祋祲縣地屬左馮翊魏晉皆于其地置北地郡元魏廢帝三年改爲通川郡領泥陽縣屬宜州六年改泥陽爲華原縣大業二年省宜州縣屬京兆垂拱元年改爲永安縣天授二年又置宜州大定元年廢神龍元年復爲華原縣

土門山在縣東南四里

祋祲故城在縣東南十里漢縣也宣帝神雀二年鳳凰元和郡縣志

卷二

五

集祋祲城是也

泥陽故縣在東南十七里

漢步壽宮在縣東北三里

同官縣

畿西南至府二百一十里

本漢祋祲縣地屬左馮翊晉屬頻陽苻秦于祋祲城東北銅官川置銅官護軍後魏太武帝改置銅官縣屬北地郡周朝除金作此同字屬宜州大業二年省宜州縣屬蓬州國朝因之

鄠縣

畿東北至府六十五里

本夏之扈國啓與有扈戰于甘之野地理志古扈國有戶谷戶亭又有甘亭扈至秦改爲鄠邑漢屬右扶風自後魏屬京兆後遂因之

終南山在縣東南二十里

雞頭山在縣東南三十一里僞趙主石生不能守長安欲西上隴士卒散盡遂入雞頭山尋爲追兵所害

牛首山在縣西南二十三里南接終南在上林苑中西京賦云繞黃山而款牛首是也澇水所自出

渭水北去縣十七里

元和郡縣志

卷二

六

豐水出縣東南終南山自發源北流經縣東二十八里北流入渭

龍臺澤在縣東北三十里周迴二十五里

八部澤在縣東南五里周迴五十里

故鄠城在縣北二里夏之扈國也

鍾官故城一名灌鍾城在縣東北二十五里蓋始皇收天下兵器銷爲鍾鐻此或其處

馬祖壇在縣東北三十二里龍堂澤中每年太常太僕四時祭之春祭馬祖夏祭先牧秋祭馬社冬祭馬步

隋太平宮在縣東南三十一里對太平谷因名之

隋甘泉宮在縣西南二十二里對甘泉谷因名

周酆宮文王宮也在縣東三十五里詩云既伐于崇作
邑于豐是也崇侯無道文王伐之命無殺人無壞室崇
人聞之如歸父母遂虜崇侯作豐邑崇國在秦晉之間
秦黃陽宮在縣西南二十三里
美陂在縣西五里周迴十四里
甘亭在縣西南五里夏啓伐有扈誓師于甘之野卽此
處也

元和郡縣志

卷二

七

蓋屋縣

畿東北至府一百三十里

漢舊縣武帝置屬右扶風山曲曰蓋水曲曰屋後漢州
晉復立武德三年屬稷州貞觀元年廢稷州復屬雍州
天寶中改名宜壽後復名蓋屋

姜維嶺本名沈嶺在縣南五十里蜀後主延熙二十年
大將軍姜維率眾出駱谷經沈嶺卽此也
望仙澤在縣東南三十五里中有龍尾堆

隋宜壽宮在縣東南三十二里

秦長楊宮在縣東南三十三里漢武帝好自擊熊羆司

馬相如從至上林上疏諫

秦五柞宮在縣東南三十八里

馬融讀書臺在縣東北二十七里

司竹園在縣東十五里史記曰渭川千畝竹今按園周迴百里置監丞掌之以供國用義寧元年義師起高祖第三女平陽公主舉兵于司竹園號娘子軍

駱谷關在縣西南一百二十里武德七年開駱谷道以通梁州在今關北九里貞觀四年移于今所

駱谷道漢魏舊道也南通蜀漢魏少帝正始四年曹爽元和郡縣志
卷二
八
伐蜀諸軍入駱谷三百餘里不得前進牛馬驢羸以轉運死者略盡少帝甘露三年蜀將姜維出駱谷圍長城亦此道也

樓觀在縣東三十七里本周康王大夫尹喜宅也穆王爲召幽逸之人置爲道院相承至秦漢皆有道士居之晉惠帝時重置其地舊有尹先生樓因名樓觀武德初改名宗聖觀事具樓觀本記及先師傳焉

武功縣

畿東至府一百四十里

漢舊縣古有郃國堯封后稷之地周平王東遷以賜秦

襄公孝公作四十一縣釐美陽武功各其一也釐與郃音同字異武功蓋在渭水南今郃縣地是也按舊縣境有武功山斜谷水亦曰武功水故諸葛亮表云遣孟琰據武功水又杜彥遠云太白山南連武功山是則縣本以山水立名也武德三年分雍州之武功好時整厓扶風之郃四縣于今縣理置稷州因后稷所封爲名貞觀元年廢州以縣屬京兆

慶善宮在縣南十八里皇家舊宅也南臨渭水武德元年置宮貞觀六年鑿駕親幸讌羣臣賦詩焉

元和郡縣志

卷二

九

三時原在縣西南二十里高五十丈西入扶風縣界故釐城一名武功城在縣西南二十三里古郃國也

后稷祠在縣西南二十三里

姜嫄祠在縣西南二十二里

隋文帝泰陵在縣西南二十里三時原上

好時縣畿西南至府一百八十里

本漢舊縣在今縣理東南十三里故城是也時者神明所依止也以雍州積高神明之隲故立時以郊上帝諸神也後漢省武德二年分醴泉縣置因漢舊名屬雍州

三年改屬稷州貞觀元年廢稷州復屬雍州二十一年于廢上宜縣置好時縣今縣理是也其上宜縣隋開皇十八年置貞觀八年廢

華州 華陰四輔

開元戶三萬七百八十七 鄉七十
元和戶一千四百三十七 鄉二十二

禹貢雍州之域周為畿內之國鄭桓公始封之邑其地一名咸林春秋時為秦晉界邑長城在州東七十二里或說秦晉分境祠華岳故築此城戰國時屬秦魏地理志云自高陵以東皆魏分也按史記魏築長城自鄭濱

元和郡縣志

卷二

十

洛今州東南三里魏長城是也秦并天下為內史之地二漢及晉為京兆之地後魏置東雍州廢帝改為華州大業二年省華州義寧二年置華山郡武德元年復為華州垂拱元年改為太州避武太后祖諱也神龍元年復舊

州境 東西一百六十四里
南北一百四十里

八到 西至上都一百八十里
東至東都六百八十里

東至潼關一百二十里
東至虢州二百二十里

東北至同州八十里
南至商州山南路二百七十里

貢賦 開元貢 茯苓 茯神 細辛
賦 絹 綿

管縣三

鄭 華陰 下邳

鄭縣 望郭下

本秦舊縣漢屬京兆後魏置東雍州其縣移在州西七里大業二年州廢移入州城隸屬雍州至三年以州城屋宇壯麗置太華宮縣即權移城東四年宮廢又移入城

古鄭縣在縣理西北三里興元二年新築羅城及古鄭

元和郡縣志

卷二

七

城竝在羅城內

少華山在縣東南一里

華陰縣

望西至州六十五里

本魏之陰晉邑秦惠文王時魏人犀首納之于秦秦改曰寧秦漢高帝八年更名華陰屬弘農郡後魏屬華州隋大業五年移于今理垂拱元年改曰仙掌尋復舊名長城在縣西春秋時秦晉分界處

太華山在縣南八里

永豐倉在縣東北三十五里渭河口隋置義寧元年因

倉又置監天寶三年左常侍兼陝州刺史韋堅開曹河

自苑西引渭水因古渠至華陰入渭運永豐倉及三門

倉米以給京師名曰廣運潭以堅為天下轉運使灞澮

會于漕渠每夏大雨輒皆漲大歷之後漸不通舟天寶中每歲水陸運米二百

五十萬石入關大歷後每歲水陸運米四十萬石入關

潼關在縣東北三十九里古桃林塞也春秋時晉侯使

詹嘉處瑕以守桃林之塞是也關西一里有潼水因以

名關又云河在關內南流衝激關山因謂之衝關謹按

秦函谷關在漢弘農縣即今靈寶縣西南十一里故關

元和郡縣志

卷二

是也今大路在北本非鈴束之要漢武帝元鼎三年楊

僕為樓船將軍本宜陽人今福昌縣也恥居關外上疏請以

家僮七百人徙關于新安武帝從之即今新安縣東一

里函谷故關是也而御傳所馳出于南路至後漢獻帝

初平二年董卓脅帝西幸長安出函谷關自此以前其

關並在新安其後二十年至建安十六年曹公破馬超

于潼關則是中間徙于今所今歷二處而至河潼上躋

高隅俯視洪流盤紆陵極實為天險河之北岸則風陵

津北至蒲關六十餘里河山之險迤邐相接自此西望

川途曠然蓋神明之奧區帝宅之戶牖百二之固信非虛言也

下邳縣 望東南至州八十里

本秦舊縣地理志屬京兆注下邳秦武公伐邾戎置以隴西有上邳故此加下也董卓遷都長安華歆求出為下邳令即此也後魏避道武帝諱改為夏封大業二年復舊後魏屬馮翊隋屬華州武德 缺 年屬同州垂拱元年復屬華州

漢蓮勺縣故城在縣東二十二里張禹本河內人徙家

元和郡縣志

卷二

三

蓮勺

同州 馮翊四輔

開元戶五萬六千五百九 鄉一百二十一
元和戶四千八百六十一 鄉一百四十

禹貢雍州之域春秋時其地屬秦本大荔戎國秦獲之更名曰臨晉魏文侯伐秦秦築臨晉今朝邑西南有故城七國時屬魏始皇并天下京兆馮翊扶風並內史之地及項羽滅秦為塞國立司馬欣為塞王及漢王定三秦以為河上郡復罷為內史武帝更名左馮翊魏除左字但為馮翊郡晉因之後魏永平三年改為同州禹貢

云漆沮既從澧水攸同言二水至此同流入渭城居其

地故曰同州

州境東西一百一十二里
南北二百三十五里

八到西至上都二百五十里
東至東都六百五十里

東至蒲津關六十里

南至華州八十里
西北至坊州二百五十里

貢賦開元貢 緞紋吉莫皮二十張
賦 絹 綿

元和貢麝香 麻黃 地黃 蒺藜子
皴紋靴 石鏃餅 寒山石

管縣七

元和郡縣志

卷二

十四

馮翊 朝邑 韓城 白水 夏陽 澄城

郃陽

馮翊縣望郭下

本漢臨晉縣故大荔戎城秦獲之更名舊說秦築高壘以臨晉國故曰臨晉晉武帝改為大荔縣後魏改為華陰縣後以名重改為武鄉大業三年改為馮翊縣馮輔也翊佐也義取輔佐京師

沙苑一名沙阜在縣南十二里東西八十里南北三十里後魏文帝大統三年周太祖為相國與高歡戰于沙

苑大破之其時太祖兵少隱伏于沙草之中以奇勝之
後于兵立之處人栽一樹以表其功今樹往往猶存仍
于戰處立忠武寺今以其處宜六畜置沙苑監

興德宮在縣南三十二里義旗將趨京師軍次于忠武
園因置亭子名興德宮屬家令寺

朝邑縣

望西至州三十五里

本漢臨晉縣之地大荔國在今縣東三十步故王城是
也後魏置南五泉縣西魏改爲朝邑縣以北據朝坂故
以名縣西南有蒲津關

元和郡縣志

卷二

五

河橋本秦后子奔晉造舟于河通秦晉之道今屬河西
縣

長春宮後周武帝置大業十三年高祖起義兵自太原
舍于此宮休甲養土而定京邑武德二年于此置陝東
大行臺太宗居藩作鎮四年山東平乃移行臺于洛州
通靈陂在縣北四里二百三十步開元初姜師度爲刺
史引洛水及堰黃河以灌之種稻田二千餘頃

苦泉在縣西北三十里許原下其水鹹苦羊飲之肥而
美今于泉側置羊牧故諺云苦泉羊洛水漿

韓城縣

上西南至州二百里

古韓國及梁國漢爲夏陽縣之地韓國故城在今縣理南十八里梁國在今縣理南二十三里有少梁故城隋文帝分邵陽于此置韓城縣春秋秦晉戰于韓原卽此地也

龍門山在縣北五十里

龍門成在縣東北極險峻後周又于此置龍門關今廢白水縣

望東南至州一百二十里

本漢粟邑縣之地屬左馮翊按粟邑故城在縣理西北

元和郡縣志

卷二

六

二十八里薛宣爲左馮翊以粟邑縣小僻在山中其人謹朴以潁陽令薛恭換粟邑令尹賞二縣俱大理又爲漢衙縣地春秋時秦晉戰于彭衙是也後魏文成帝分澄城郡于此置白水縣以南臨白水因以爲名隋開皇二年罷郡縣屬同州

夏陽縣

緊西南至州一百三十里

古有莘國漢邵陽縣之地武德三年分邵陽于此置河西縣在河之西因以爲名又割同州之邵陽韓城二縣于今縣理置西韓州取古韓國爲名也以河東有韓州

故此加西貞觀八年廢西韓州以縣屬同州乾元三年
改爲夏陽縣縣南有莘城卽古莘國文王妃太姒卽此
國之女也

澄城縣

望南至州一百里

漢徵縣也韋昭云徵音懲懲澄同聲後人誤爲澄魯文
公十年秦伐晉取北徵卽此城是也後魏太武七年分
郃陽縣置又于今縣理置澄城郡開皇三年罷郡以縣
屬同州

乾坑漢書溝洫志云武帝時嚴熊上言願穿洛以溉重
元和郡縣志

卷二

十七

泉以東萬餘頃于是發卒穿渠自徵引洛水至商顏下
商顏今在馮翊縣界名曰龍首渠按州西三十里有乾坑卽龍首
之尾也

王官故城在縣西北春秋傳曰俘我王官翦我羈馬

郃陽縣

望西南至州一百二十里

本漢舊縣屬左馮翊在郃水之陽詩大雅所謂在洽之
陽是也水經注曰郃陽城南有漢水東流注于河卽郃
水也按中漢水蒲池漢水與南漢水竝在舊河西縣南
五里今郃陽界內爾雅云漢出大尾下郭璞以爲汾陰

縣有水如車輪此水亦然周武時屬澄城郡隋開皇三年罷郡以縣屬同州

羈馬故城在縣東北二十六里

鳳翔府 岐州扶風四輔

開元戶四萬四千五百三十二 鄉九十二
元和戶七千五百八十 鄉八十八

今為鳳翔節度使理所 管鳳翔府隴州 管縣十四 都管戶八千三百六

十四

禹貢雍州之域春秋及戰國時為秦都德公初居雍即今天與縣也至獻公始徙櫟陽始皇并天下屬內史項

元和郡縣志

卷二

六

羽封章邯為雍王亦此地也高祖更名中地郡復屬內史景帝更名主爵都尉武帝太初元年更名右扶風所以扶助京師行風化也與京兆尹左馮翊謂之三輔理皆在長安城中後漢出理槐里即今與平縣南東七里故槐里城是魏文帝除右字為扶風郡亦是重鎮曹公使張郃屯陳倉建興中諸葛亮攻陳倉及郿皆不克晉太康八年為秦國後魏太武于今州理東五里築雍城鎮文帝改鎮為岐州隋開皇元年于州城內置岐陽宮岐州移于今理大業三年罷州為扶風郡武德元年復

為岐州至德元年改為鳳翔郡乾元元年改為鳳翔府

府境 東西一百八十三里
南北三百八十九里

八到 東至上都三百一十里
東至東都一千一百七十里

東北至邠州二百三十里
南取太白山路至興元府六百里

西南至鳳州二百八十里
西至隴州一百五十里

北至涇州二百二十里

貢賦 開元貢 龍鬚席 蠟燭
賦 布 麻

管縣九

天興 岐山 扶風 普潤 岐陽 麟遊

元和郡縣志

卷二

九

寶雞 號 郿

天興縣 次赤郭下

本秦雍縣秦國都也漢縣屬右扶風四面高曰雍又四
望不見四方故謂之雍秦回中宮在縣西漢文帝十四
年匈奴入蕭關燒回中宮候騎至雍即此也至德二年
分置鳳翔縣永泰元年廢仍改雍縣為天興縣

乾歸故城在縣西四十三里乞伏乾歸據苑川自號西
秦因築此城

石鼓文在縣南二十里許石形如鼓其數有十蓋紀周

宣王畋獵之事其文卽史籀之跡也貞觀中吏部侍郎蘇易紀其事云虞褚歐陽共稱古妙雖歲久訛缺遺迹尙有可觀而歷代紀地理志者不存記錄尤可歎惜

岐山縣

次畿西至府五十里

本漢雍縣之地周武帝天和四年割涇州鶉觚縣之南界置三龍縣開皇十六年移三龍縣于岐山南十里改爲岐山縣貞觀八年移于今理

岐山亦名天柱山在縣東北十里

渭水在縣南三十里

元和郡縣志

卷二

三

五將山在縣西北六十里苻堅爲姚萇將吳忠所擒之處

扶風縣

次畿西至府一百里

本漢美陽縣地武德三年分岐山縣置圍川縣屬岐州取今縣南漳川水爲名近代訛作圍四年隸入稷州貞觀元年廢稷州以縣屬岐州八年改爲扶風

普潤縣

次畿南至府九十里

隋大業元年于此置馬牧又置普潤屯後廢屯置縣在漢爲漆縣并有鐵官今城西有漆水又有小城蓋置鐵

官處

岐陽縣

次畿西南至府一百里

蓋漢杜陽縣地貞觀七年割扶風岐山二縣置以在岐山之南因以名之

麟遊縣

次畿西南至府一百六十里

本漢杜陽縣地隋于此置西麟州營仁壽宮義寧元年唐高祖輔政廢宮是年獲白麟于宮所因置縣

九成宮在縣理西一里卽隋文帝所置仁壽宮每歲避

暑春往冬還義寧元年廢宮置立郡縣貞觀五年復脩

元和郡縣志

卷二

三

舊宮以爲避暑之所改名九成宮

永安宮在縣西三十里貞觀八年置

寶雞縣

次畿東北至府九十里

本秦陳倉縣秦文公所築因山以爲名屬右扶風大業九年移于今理在渭水北乾元二年改爲寶雞以昔有陳寶鳴雞之瑞故名之

陳倉故城在今縣東二十里卽秦文公所築魏略云太和中將軍郝昭築陳倉城適訖會諸葛亮來攻亮本聞陳倉城惡及至怪其整頓聞知昭在其中大驚愕亮素

聞昭在西有威名念攻之不易初太原靳詳少與昭相親後爲蜀所得及亮圍陳倉詳爲亮監軍使于城外呼昭喻之昭于樓上應詳曰魏家科法卿所練也我之爲人卿所知也曩時高剛守祁山坐不專意雖終得全乎今誚議不止我必死耳卿還謝諸葛亮便可攻也詳以告亮亮進兵雲梯衝車晝夜距二十餘日亮無利會費驢等救至亮乃引去按今城有上下二城相連上城是秦文公築下城是郝昭築

陳倉山在縣南十里南接梁鳳二州界

元和郡縣志

卷二

三

散關在縣西南五十二里蜀志諸葛亮出散關圍陳倉三交城在縣西十六里司馬宣王與諸葛亮相距所築咸亨三年于縣東南開渠引渭水入昇原渠通船至京

故城

卽故長安城漢惠帝所築城在今故大興城之西北苑中

虢縣

次畿北至府三十里

古虢國周文王弟虢叔所封是曰西虢後秦武公滅爲縣周改爲洛邑縣大業二年復爲虢縣貞觀八年廢天授二年再置

郿縣

次畿西北至府一百里

本秦縣右輔都尉理所在今縣東一十五里有故城今縣周天和元年築置雲州建德三年廢武德元年又于故城置郿州三年廢州郿縣屬稷州七年屬岐州白起卽此縣人也縣在渭水南一里

終南山在縣南三十里

太白山在縣東南五十里

五丈原在縣西南三十五里初諸葛亮與司馬宣王相持亮據渭水南原宣王謂諸將曰亮若出武功依山東轉是其勇也若西上五丈原諸君無事矣亮果屯此原

元和郡縣志

卷二

三

耕者雜于渭濱居人安堵軍無私焉

積石原在縣西北二十五里魏青龍二年諸葛亮出斜谷與司馬宣王屯渭南郭淮算亮必爭北原遂先據之亮至不得上卽此原也

縣理城亦曰斜城城南當斜谷因以爲名斜谷南口曰褒北口曰斜

董卓塢在縣東北十六里卓封郿侯築塢高與長安塢號爲萬歲塢

成國渠在縣東北九里受渭水以溉田

隴州 汧陽上

開元戶六千八十五
元和春七千八十四

案前華州同州鳳翔府戶數下俱有鄉數惟京北府與此隴州無之殆由傳寫遺缺今不可攷

禹貢雍州之域秦文公所都漢為汧縣屬右扶風後魏

置東秦州西魏文帝改名隴州因山為名大業二年省

義寧二年又于縣理置隴東郡武德元年改為隴州

州境 東西二百里
南北四百九十五里

八到 東至上都四百六十里
東至東都一千三百二十里
東至鳳翔府一百五十里
南至鳳州山路四百三十里

元和郡縣志 卷二

西

西至秦州三百四十里
北至原州三百三十里

貢賦 開元貢 楛實 龍鬚席五領
賦 布 麻

管縣五

汧源 汧陽 吳山 華亭 南由

汧源縣 上郭下

本漢汧縣地屬右扶風在汧水之北後魏改為汧陰縣

隋改為汧源縣

隴山在縣西六十二里

岍山在縣西六十里北與隴山接禹貢導岍及岐是也

大震關在州西六十一里後周置漢武至此遇雷震因名

秦城在州東南二十五里秦非子養馬汧渭之間有功周孝王命爲大夫

汧陽縣 上西至州八十里

本漢隃麋縣地因今縣東八里隃麋澤爲名周武帝置汧陽郡及縣尋省郡以縣屬隴州

汧水在縣南一里

吳山縣 中西北至州一百一十里

元和郡縣志

卷二

三

本漢隃麋縣地後魏孝昌二年于長蛇川置長蛇縣屬東秦州開皇十八年改爲吳山縣

吳山在縣西南五十里秦都咸陽以爲西嶽今爲國之西鎮山國語謂之西吳

華亭縣 下正南微東至州一百一十里

本秦涇陽縣地大業元年置華亭縣以在華亭川口故名

外龍山在縣西四十里

南由縣 下東北至州一百二十里

本漢汧縣地後魏孝明帝于縣西南由谷口置縣因名
爲名開皇二年省長蛇縣併入南由屬岐州貞觀四年
割入隴州

安夷關在縣西一百四十六里

長蛇川在縣西一百步

渭水在縣南四十里

元和郡縣志

卷二

三

元和郡縣志卷二